

# SON AR C'HEMENER

ALLEGRO 132

*mf* Solo bien rythmé

*f* Chœur



C'houi hoc'h euz kle-vet me a gred Tran lar-di

Solo

*mf*

*sf* Chœur



rè - no, Ar vu - ga - le o la - va - ret Tran lar-di



ra lan la tran lar - di rè - no...



1  
C'houi hoc'h euz klevet me a gred  
Tran lar dirèno  
Ar vugale o lavaret  
Tran lar dira lon la  
Tran lar dirèno.

2

Ar c'hemener ne d'eo ket den,  
Nemed kemener ne d'eo ken.

3

Ne dle ket beza enterret  
Nak er porched, nak er vered.

4

Nemed e korn eur parkad kerc'h  
Holl chas ar barrez war e lerc'h.

5

Mar d'eo ar gemenerien holl,  
Evel ar re zo e Lambôl.

6

O va Doue, nak a c'hevier,  
Var an torchennou a glever !

7

Ma vent destumet piz ha mad,  
E ve aneo meur a zac'had.

8

Ha Paolik ' lipfe e vourrou,  
Divar eur seurt bern pec'hejou.

9

Mez d'ar c'hemener pa varvo,  
Siouaz ! Doue a lavaro :

10

Kerz a zirazon, torchenner  
Da welet p'leac'h 'ma da c'hevier.

11

Kaër am euz trei al levriou koz,  
A lenner en tiez diouz an noz.

12

Sant ebed enno ne gaver  
Hag a vije bet kemener.

13

Sant Joseph a zo bet kalvez,  
Santez Zita a oa matez,

14

Sant Per a zo bet pesketaër  
Mez sant ebed n'oa kemener.

15

Sant Krepin a oa kereour  
Sant Hamon a oa marc'hadour.

16

Sant Vaze a oa skrivanier  
Mez sant ebed n'oa kemener.

17

Sant Izidor oa labourer  
Sant Fiakr a oa jardiner.

18

Ha sant Herve a oa kaner  
Mez sant ebed n'oa kemener.

19

Sant Moris a oa ofiser  
Sant Honore oa kourroter.

20

Sent a zo bet e peb micher  
Mez sant ebed n'oa kemener.

21

Rak-se tud an holl micheriu  
'Deuz eur patron 'barz en nenvou.

22

Ha me gavo 'bars ma vin êz  
Eur patron d'ar c'hemener kêz.

23

M'euz ket amzer da vont a bell  
Ha rak-ze pa ne gavan gwell.

24

Te vô patron, ar c'hemener  
Lusifer goz, tad ar geier !

18

---

Kanaouen destumet gant M. A. ABGRALL  
ha kanet gant *Potred Sant Noug e*  
*Gouel bleun-bruk 1909.*